



Il mas-chalch da Sent

Publicaziuns officialas. Cumpara seguond bsögn.

2006/2008

no. 15

7554 Sent, 25 avuost 2006 / mw

Publicaziun da fabrica

Reguarda: Mür da sustegn ost, parcella 598, Saranschasch, 7554 Sent

Patrun da fabrica: Roman + Dagmar von Ah, Hofstrasse 127, 8044 Zürich

Profilà: ---

Publicaziun: 25-08-2006

Termin da protesta: 15-09-2006

Reguarda: Garascha illa stalla veglia, mür da sustegn cun saiv(s) e lavurs da mantegnimaint dals schlers, chasa no 62/62A Plaz., parcella no 266, 7554 Sent

Patrun da fabrica: Ursina Donnerstag, Obere Geerenstrasse 43, 8044 Gockhausen

Profilà: ---

Publicaziun: 25-08-2006

Termin da protesta: 15-09-2006

Ediziun: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Ingrazchamaint

Ils commembers da la Grotta da Cultura ingrazchan a la populaziun da Sent per la partecipaziun a la **Festa d'instà** sco eir pel sustegn finanziel! Quista bella experienza surpassa tuot nossas aspettativas ed ans motivescha amo daplü da drivir las portas als 14 october culla Festa d'avertüra.

La Grotta da Cultura

Charas abitantas ed abitants dal cumün da Sent Chars sturnels e randulins

Sco cha'ls blers san - forsa na tuots - sun ils bügls possess da las bavradoiras, quai voul dir id appartegnan als abitants e possessuors da chasas ed abitaziuns da quel lö.

Plü bod d'eiran ils paurs dependents d'avair ün dret da bügl per bavrur lur muvel e las masseras lavaivan là l'altshiva. Hozindi vaina maschinas da lavar e'l bavrur il muvel s'ha eir müdà.

Dals ons ottanta esa stat in discussiun da laschar ir via ils bügls al cumün. Las bavradoiras s'han lura dostadas cunter quist intent per temma cha'l cumün decidess da levar üna part dals bügls.

E co esa hoz?

In discussiun cun divers Sentiners, Randulins e Sturnels (possessuors da seguondas abitaziuns) s'ha fuormada l'idea da provar d'activar darcheu las bavradoiras e da giodair la cumünanza e'l dret da bügl cun plaschairs e dovairs. Alchüns han cumanzà a far üna Festa da bügl ed eir il cudaschet cul dovair da pulir il bügl va darcheu da chas'in chà. Forsa vaivat amo otras propostas?

Capo bügl o persuna responsabla es per:

| | | | |
|------------|-----------------|-------------|---------------|
| Stron | Andrea Buchli | Schigliana | Peder Poo |
| Surataglia | Cla Rauch | Archas Sura | Hermina Vital |
| Vidos | Rodolfo Pol | Archas Sot | Barbla Manai |
| Sala | Cla Sarott | Bügl Süt | Duri Salomon |
| Bügliet | Jachen Tschalär | Plazzetta | Plasch Jann |
| Chasellas | Töna Pinggera | Curtin | Andri Fried |
| Plaz | Jakob Benderer | | |

Dürant ils ultims ons ha diversa gliעד d'utrò cumprà üna chasa o ün'abitaziun a Sent per passantar quia lur vacanzas e quels nu san novas da lur dret da bügl. La cumischiun da l'associaziun dals Sturnels ha surtut d'orientar a tuots. Sgüra cha blers s'alleggran dad imprender a cugnuoscher plü bain a lur vaschins Sentiners e piglian sül seri plaschairs e dovairs sco commembers da lur bavradoira.

Sperond chi detta blers allegraivels inscuters.

Maria Sedlacek



Cuors da yoga a Sent

In chasa cumünala dals 7 settember fin als 16 november 2006, adüna la gövgia saira da las 20.00 a las 21.45.

La prüma lecziun po eir gnir postada seperada per frs. 14.00, per gnir a cugnuoscher quist cuors.

Cuosts totals pel cuors chi düra 9 gövgias frs. 150.00.

Cuntgnü dal cuors:

Exercizis da recreaziun, dal flà, da concentraziun e t c.

Annunzchas piglia incunter la muossadra dna. Johanna Wassermann, Tel. 004354722358 o per e-mail JohannaWassermann@gmx.at

Johanna Wassermann

Radunanza generala - Società da duonnas

Invid a nossa radunanza generala in **lündeschdi, als 4 settember 2006** a las **20.00** al caffè Sala.

Tractandas:

1. Rapport da la presidenta
2. Prelecziun dal protocol
3. Rendaquint
4. Elecziuns
5. Data per cumanzar
6. Donaziuns
7. Varia

In quist'ocasiun laina ingrazchar per las donaziuns a favur da nossa società. No sperain sün gronda cumparsa e vain grond plaschair da pudair salüdar eir novas commembras.

Società da duonnas

Da dar a fit a Sent

Abitaziun möblada da 2 stanzas a partir dals 1. october 2006 o tenor cunvegna. Fit frs. 450.00 exclusiv cuosts supplementars

Infuormaziuns plü detagliadas dà Sar Jakob Valentin, Neudorfstrasse 22, 6313 Menzingen. Telefon privat 041 755 04 32

Jakob Valentin

2. Avis – Leger giò l'ura da l'aua

Per simplifichar la lavur da leger giò l'ura da l'aua, dà il Cumün a mincha possessur da chasa la pussibilità da leger giò svesa l'ura da l'aua e d'indichar il stadi actual al büro cumünal fin il plü tard ils **8 settember 2006**. Il Cumün as resalva il dret da far controllas da las indicaziuns.

Tagliar

Indicaziun – ura da l'aua 2006

Stadi da l'ura da l'aua: als

Chasa no. Possessur:

Quist fögl po gnir büttà aint illa chartera dal Cumün pro l'entrada da la chasa cumünala fin als **8 settember 2006**.

La schefa d'aua e chanalizaziun